



厨



五  
十  
五

一  
)

綏安廖賓于先生編纂  
晴川張鶴湄先生補輯

增補尚友錄

澥水天祿  
齋藏板

尚友錄序

生乎古人之後莫不欲  
盡取其前言往行而識  
之識之而得或失則泛  
識之而不得或失則漏

漏與泛皆非善友古人  
也善友古人者得其綱  
領而舉之雖古人與我  
遠隔數千百年若聚一  
堂又安在前言往行不

可得而識乎廖君賓于  
昔燕川宿學也嘗彙集  
古人事實以韻為綱以  
姓為目一展卷而如見  
其家世焉如見其生平

焉名曰尚友錄行世久  
矣余視學茲土得其書  
而閱之掩卷歎曰為此  
書者匪但尚友古人其  
亦有資初學乎夫以韻

為綱按韻而得其姓則  
不至於泛以姓為目按  
姓而得其人則不至於  
漏不泛不漏凡古人一  
言一行無不歷歷目前

可無我不見古人之恨  
矣或曰是書非端為考  
姓問族惟取有資於詩  
父者採之今人贈荅詩  
文率皆拾取古人姓字

餽飮湊合全無義味為  
此書者得無開若輩一  
便門乎余曰否否善友  
古人者不若是杜子美  
作詩字字必有來歷其

雄渾之氣自能高老獨  
成大家豈淺見寡聞者  
所可望其涯際耶至於  
點鬼遺穢祭魚致餽雖  
日取古人之前言往行

而識之豈廖君尚友之  
志也哉

時

康熙丙午仲春花朝督  
學使者山陽陸求可撰

何方金



尚友錄自叙

夫芳標顯植閱千古以常新雅  
志潛孚詎一世之可錮况竊比  
獲聞於尼父而論世奉教于子  
輿縱往哲先賢骨雖已朽廼奧  
篇隱帙途有必經故近追雅調  
于三唐杜甫何慚撫實卽遠遡



長才于兩漢司馬豈能鑿空或  
棄產營書輕百城而何假或抽  
奇探秘恥一事之不知此虞卿  
借著述以舒愁昭裔因發憤而  
鏤板夫豈溺情于糟粕要皆託  
意於蹄筌不佞博遜揚雄敏慙  
應鳳五十紙日課效袁峻之借

鈔三十卷分門倣柳氏之自備  
計其編纂聊佐遺忘甘露巖中  
幾經映雪翠屏山下每費囊螢  
用意搜今側身懷古若世說新  
語雖曰精詳而下士咸苦其散  
見如萬姓統譜固云該博而有  
識或病其濫收氏族姓源事實

中多不桼廣輿一統人物原非  
特編爰取諸家叅以臆見韻爲  
綱姓爲目俱出成書繁者刪漏  
者補僭陳一得鬼簿之誚實所  
不辭肉譜之稱曷其能副標曰  
尚友常伴遊蹤邇以請政大方  
謬謂有裨初學頓忘蠡測遂爲

木災詫遼豕以爲竒一隅自局  
抱醯雞而自炫六合全迷佯鬻  
車前類獻文心於沈約遙擲戶  
外辟呈四本于嵇康總以資藉  
於詩文非顓辨別乎姓氏其鳩  
工助費則郢中胡父母居多至  
引緒發端則若下蔡公祖爲倡

用叙巔末并紀歲時萬歷四十  
有五年季夏朔日吸露叅居士  
賓于廖用賢謹題



凡例

一尚友錄一如萬姓統譜所編分列各韻之下  
其事實則世說新語初潭集氏族大全姓源  
珠璣一統志廣輿記高士傳聖門人物志百  
將傳列仙傳十收其九間取綱目通鑑子史  
諸書以補其遺

一氏族姓源廣輿等書或一人而摘其一二事

或一事而摘其一二語雖曰碎金恐非全璧  
故凡有可考者必究其終始而詳述之

一名媛艷質初欲于各姓附見但搜羅欲廣篇  
牘恐繁故另編女史以佐揮麈

一是書或以父爲綱而附子姓于其下或以兄  
爲綱而附弟姪于其下要令展卷之時源委

宛然在目

一西漢末有兩王商一賢一否東漢初有兩王  
霸一隱一仕故各于分註辨別之他如李綱  
張齊賢其在唐宋俱表表者但朝代不同爵  
里亦異觀者當自得之餘皆倣此

一世說自德行至讎隙折爲三十六條有一人  
而兼數事者逐條分疏恐初學之士得此忘  
彼今合併而款叙其人之下

一統譜志在兼收其書非出一人之手故中有  
一人而甲乙分裂者如方山子龍丘居士之  
類是也有一事而彼此疊見者如羊角哀左  
伯桃之類是也至公仲連則逸其名而編爲  
公仲南宮滔則遺其姓而編爲宮滔其誤尤  
甚俱爲刪正

一望族必援其尤至于僻姓間有一善者亦錄

一是書原非端爲考姓問族而設惟取有資于  
詩文者採之標以尚友志景仰也故芳行懿  
軌雖單詞片長必錄至僉人穢跡間或及之  
然千百中僅僅一二耳

一常用故典間遺一二至奇僻之事則增入爲  
多

一高僧逸民無姓氏可紀者則就其生平所友

善而附見其下

一不佞資穎最拙因手錄是書以佐遺忘初非  
有意于傳世邇以請正大方謬謂有裨初學  
故不揣遜陋遂爲木災其刪繁補漏則深有  
望于博雅之君子

尚友錄總目

卷之一

一東東童翁 醖蒙豐 酆馮熊

洪种終戎 衷宮風鴻 桐

二冬封宗鍾 龔龍雍 共松嵩

庸恭

三江雙龐逢

四支 支施隨祁皮訾時池師

耆伊姬郝麋儀兒危眭

岐离斯彌僖脂茨猗眉

綦夷飢糜

五微 韋歸

卷之二

六魚 徐余舒魚諸儲於胥邁

初茹鉏疏疎間如沮

七虞虞朱吳胡盧

卷之三

于兪蘇符苻巫吾區瞿

烏都須爰蒲毋扶狐塗

無盱

八齊齊倪黎嵇奚邽稽

九佳柴

十灰裴梅枚雷來崔臺開哀

梣

十一真辛荀郇

卷之四

陳甄秦申真輪新彬

十二文文殷雲云君

十三元元孫

卷之五

溫袁原源轅爰垣樊言

敦論渾根繁

十四寒韓桓潘安藥檀干官乾

蘭寒邗冠

十五山顏山班關環

卷之六

一先先錢田邊權燕牽全泉

連宜然鮮延堅弦玄絲

芋編蛎縣纏鱖淵顛鉗

顛

二蕭蕭姚饒焦譙刀晁橋喬

苗鈔堯耍昭招聊鄒朝

卷之七

三肴包茅巢膠

四豪高曹陶毛勞敖皐漕毫

五歌何羅柯和過阿品

六麻花夸沙佗衙查車家麻

巴

卷之八

尚友錄

七陽張

卷之九

王

卷之十

楊揚陽牟黃湯唐方章

姜莊

卷之十一

汪梁房臧郎常桑匡康  
商杭強蓑倉皇光長邱  
將襄香芒防

八庚程明成彭平京荆征庚  
更名英營羸榮

九青丁邢靈青

十蒸凌滕曾應承稱憑僧弘

昇

十一尤周

卷之十二

劉丘尤游鄒牛樓婁候

牟雷仇裘求由歐區州

勾優秋不脩騶彪句稠

卷之十三

十二侵金林任岑黔琴禽臨陰

謹欽

十三覃潭談甘南藍郊

十四鹽嚴閭詹廉

十五咸咸汜

一董董孔

卷之十四

尚友錄

二腫 輦 奉

三講 項

四紙 李

卷之十五

史紀士杞芊是理軌子

侯

六語 呂 褚 許 楚 汝 處

七麋杜魯伍古武祖庾浦輔

扈鄔萬羽鹵

八薺米穈

九蟹解

十賄隗海宰亥

十一軫閔尹

十三阮阮圈苑晏偃

卷之十六

十四旱管筦湍散

十五潛簡棧

十六銑蹇典雋單展善扁

十七篠趙矯孺繞

十八巧鮑

十九皓老造

二十荷左我

二十一馬賈馬夏假冶

二十二養蔣仰養掌壤

二十三梗景耿井幸丙邴潁冷

永

二十五拯洗

二十六有柳苟紐咎有后邴守

丑壽九白後

卷之十七

二十七寢沈

二十八感咎

二十九琰冉園

三十躑范湛

一送貢仲鳳痛

二宋宋

四寅冀季知摯義利刺額飲

賁暨

五未費魏尉貴既

六御喻豫

七遇顧傳路步度瓠務布訢

八霽衛桂芮計厲世忝隸系

薊濟

卷之十八

九泰蔡艾賴貝太大

十卦祭噲蒯介蕢

十一隊戴能

十二震慎  
闕邱晉釁振舜

十三問蘄員運

十四願萬頓良

十五翰段灌幹冠驛

十六諫晏

十七霰卞練

十八嘯廖邵召

十九效豹

二十號暴到漕

二十一箇賀

二十二禡謝

卷之十九

華栢怕

二十三漾向諒暢抗

二十四敬敬鄭孟盛慶正姓

二十五徑鄧甯

二十六宥 寶 寇 富 繆 繆 鬪 豆 繆

二十八勘 鬪 念

一屋 陸

卷之二十

祝 谷 郁 穆 卜 木

伏 繆 鞠 麴 麴 曲 竺 服 宿

叔 復 濮 鹿 玉 肅 犢 處 縮

尚友錄

冉鬻蓼目

二沃續束沃栗督淶

三覺樂岳卓倨濯

四質畢漆吉邳栗帥乙悉郊

五勿屈尉蔚

六月骨

七曷葛

八黠 滑 頤

九屑 薛 折 列 桀 齧 泄 灑

十藥 郭 霍 郝 莫

卷之二十一

駱 索 藥 鄂 薄 鐸 博 約 洛

十二陌 石 白 易 翟 席 郤 柏 伯 麥

帛 赤 劇 革

十二錫狄 戚錫 酈

十三職力 墨國 翼職 直

十四緝習 汲隰

十五合盞

十六葉葉 聶涉 接捷 十七洽法 邾

一東 東方 東鄉 東郭 東門 東宮 東陽

公士 公伯 公西 公冶 公祖 公羊

公長 公仲 公族 公儀 公緒 公沙

公玉 公叔 公孟 公明 公哲 公子

公孫 公乘 公賓 逢門

二冬 鐘離 龍丘 容城 容成

四支 留丘 樛里 司馬 司空 司城 司鴻

師宜 師延 綦毋 伊婁 邳門

卷之二十二

五微 諸葛

六魚 閻丘 余丘

七虞 吾丘 虞丘 胡毋 毋將 壺丘 胡非

呼延 蒲盧 姑布 巫馬

八齊 西門 西鄉 奚容

十一真 淳于 申屠 申徒 申公 真郭

十二文 聞人

十三元軒轅

十四寒安丘 安期 端木

一先 鮮于 延陵 顓孫 曹丘 高陽 高堂

五歌 哥舒

六麻 瑕丘

七陽 羊舌 裔丘 梁丘 皇甫 將鉅 相里

陽成 將閭 壤駟

八庚 京相 成公

九青 青史 青鳥

十一尤 浮丘 浮屠 勾龍 由吾 歐陽

十三覃 南宮 南公 澹臺

上聲 子車 子州 子伯 士孫

六語 爾朱

七虞 五鹿 主父 左人 宇文 古野

十賄 宰父 宰氏

十一軫 尹文

十九皓 老成 老商 老萊

二十一馬 夏族

二十二養 上官 長孫

二十六有 毋丘

二十七寢 廩丘

約之錄

總目

十五

一送仲長洞沐

七遇慕容庫狄務成步叔

八霽第五閉珊

九泰太史

十二震信都

二十浩浩星

二十一箇  
賀蘭  
賀若  
賀婁  
賀拔

二十四敬 令狐

二十六宥 豆盧

一屋 屋廬 北人 叔仲 叔孫 斛律 斛斯

万俟 獨孤 穀梁

二沃 禿髮

三覺 樂正

四質 漆雕 赤將

五勿 屈侯 屈突 乞伏 尉遲

九屑 列禦

十藥 洛下 索羅 霍里

十一 陌石作 石戶 伯成

十三 職百里 息夫 黑齒 墨胎

尚友錄總目終

尚友錄增補姓五氏增人八十三人目錄

二卷

朱

廉

胡

應麟

盧

楷

三卷

烏

本良

八卷

張

磐

恭

喬

竦

師禹

震

彝憲

謹

鎧

志道

山翁

九卷

王

文雍

埜

應鳳

栢

市方金

十卷

黃

憲

十一卷

汪

文和  
作礪

叔舉  
立中

華

萬於

武

濱  
自強

元春

詠

程

本

昱

秉

元譚

靈洗

十二卷

劉

猛表

十三卷

金

君卿

祚

堯恭

文剛

葵

從龍

十五卷

呂

祖謙  
希道  
良才

祖儉

秉南

律

棐

十六卷 趙

明

令

二

明

壽

良冲悅寂之問因

姓增九

嘉

姓增白

季

姓增後

胤

十八卷 姓增振

紀

姓增舜

華俞咨

尚友錄

補遺目錄

二

卷之

靳

彊 穎

歙

先 平

伯 常

懷德

原集刪去十七人今仍補遺附入二十二卷目錄

八卷

張

衡 燾

拱 闡

九哥 克戩

模 惟孝

翬 炳

浚 日用

守

慶之

九卷

王

嘉

十二卷

劉

曄

巴

補遺目錄終

尚友錄一卷

閩綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

孫 張任鄭 若虔 校正

張任郎 夢選

一東

東

平原徵音舜七  
友東不訾之後

東

富

漢中郎  
涇州人

東

明

唐開元中  
涿鹿太守

童

鴈門宮音顓頊生老  
童以王父字爲氏

童

恢

漢姑幕人爲不其令民有爲虎所害恢捕二  
虎謂曰王法殺人者死若殺人者垂頭伏罪

不殺人者當號訴一虎低頭瞑目一虎視恢號  
鳴乃釋之吏民爲之歌頌遷丹陽太守執法廉  
平入循吏傳其弟翊字漢文名高於恢宰府

西昌長仙有異政  
吏人生爲立碑

童宗說

唐字夢弼南城人眉宇秀整尚友拔俗爲袁州教授有柳文音註號南城先生

童伯羽

宋字飛卿甌寧人沉默寡言好讀書師事朱文公雅好林泉不樂仕進人稱爲敬義先生

童簪

宋字隱之雙流人博通經學尤長於易太玄著發隱一篇蜀守蔣堂張方平趙抃咸以逸

民薦上賜粟帛再命州助教  
不就嘉祐中賜號冲退處士

童參

宋甌寧人性淳樸隱於耕仁宗元年參年百有三歲賜勅慰勞云古者天子巡狩方嶽之

下問百年者就見之今汝黃髮鮐背以上壽聞其可使與編氓齒乎往以忠孝教而子孫授承

務郎逾年卒子珪登進士

授承奉郎清遠縣主簿

翁

鹽官商音周宣王庶子食采翁山因氏又望出錢塘

翁

君

漢傳穀梁春秋之學

翁

伯

漢販脂而富傾縣邑

翁承贊

唐字文堯莆田人乾寧間登進士第在中書詠槐花詩雨中粧點望中黃勾引蟬聲送夕

陽憶得當年隨計吏馬蹄終日爲君忙天祐初爲左拾遺後拜相父巨隅滎陽參軍

翁仲孺

唐渭州人家貧有異行一日天雨金十斛於其家富等王侯

翁

洮

唐字子平壽昌人舉進士授主客員外郎退居不仕僖宗徵之洮作枯木詩以答詔帝嘉

慕不已復遣使以曲江魚賜之宋理宗追謚爲善慶公

翁夢得

宋字景說詩人洮之後也通春秋端平咸淳間兩中榜尋隱居教授所著有春秋指南一

卷撫實二卷要論十卷紀要十卷盤珠纂論十卷地理總括若干卷並行于世

翁

元

宋字柔仲福清人性豪俠嘗喜談前輩行事亦能詩在丘園五十年城市之人鮮有見其

面者其父績字熙載宣和末詣闕上書言夏人無故請和金人納款趙良嗣董才來降妄生邊釁乞斬二人以篤信好不報遂飄然南歸熙河劉平仲死於戰場而上不之知熙載以詩哭之

時蔡京當國聞此  
詩者皆服其直

翁

易

宋字醉翁崇安人通六經尤長於春秋游朱  
文公之門講明理義往復辯難悉究其旨言

行有法人稱

竹林先生

翁仲通

宋字濟可崇安人始爲武平令僉書興化軍  
復令黃巖縣所至興築陂湖控遏民甚賴之

武平俗不知學仲通自買民地建學以教之後  
以親歿不逮養遂致仕子彥約彥深彥國長  
子彥約字行簡登進士第調常州刑曹累遷提  
舉河北西路學事以薦拔人才爲急口與諸生  
講畫實邊制勝之策除知高郵軍革商販茶鹽  
私坐貿易之弊吏不得倚法爲姦歲大旱彥約

以祠禱積勞得疾卒有文集十卷 次子彥深  
字養源第進士除右員外郎以書白宰相言與  
金人夾攻契丹非是除國子祭酒徙秘書監時  
宦者梁師成提舉秘書省彥深不肯造詣時論  
高之 季子彥國字端朝官至御史中丞靖康  
之變充經制使撰文誓衆張邦昌爲虜所立移  
書責之 彥約子挺字仕挺少能賦及長該博  
羣書落筆數千言政和中以季父彥國恩補官  
調宜章尉朝臣交薦詔赴闕下所陳皆朝廷急  
務奏對移時上喜曰何見卿之晚改授少府監  
丞時相怒其不附已逐之遂不復出號五峰居  
士有詩文集二十卷李綱稱其文雄深雅健淵  
源浩博又稱其凌厲奮發絕去筆墨畦徑 彥  
國子蒙之字子功以父蔭補常山尉時趙鼎死

樞過常山郡將希秦檜旨命蒙之護喪搜其知舊往來書疏蒙之密使焚之郡將坐以他罪罷官孝宗登極召爲司農丞

翁延慶

宋字德甫崇安人以父蔭補官靖康初聊城縣舉義兵從王若訥等勤王至京師南薰門

與金人血戰死之贈朝散大夫官其子世脩孫允明登淳熙五年進士

翁靈舒

宋有詩名劉后村贈以詩有云徧問諸郎皆冠帶自言別業可漁樵

翁行

宋字元廣少負俊聲與江西詩派自號逃禪翁

翁偉

宋爲襄漢守跨馬而出聞瞎馬嘶能辨其音

𪛗 魯邑宮音故  
𪛗 夷氏之後

𪛗

蔑

周字然明鄭人晉叔向如鄭蔑貌惡執器堂下一言而善叔向曰必然明也下執手以上

日子少不揚若無言幾失子矣然明始見知於子產子產問爲政焉曰吾他日見蔑之面而已

今吾見

其心焉

蒙

安定宮音東蒙  
主以蒙山爲氏

蒙

穀

周楚大夫昭王自隨反郢穀典五官得法百姓大治王欲封之穀辭逃焉

蒙

驚

秦爲將攻韓得地置三川郡攻趙定太原攻魏拔高都後攻趙取三十七城  
子武伐齊

取河東爲九縣 孫恬威震匈奴始皇遣恬率兵三十萬北築長城始皇崩沙丘趙高胡亥矯詔殺太子扶蘇恬吞藥自殺 恬始作筆以枯木爲管鹿毛爲柱羊毛爲被非兔毫竹管也 孫毅位至上卿恬任外事而毅常爲內謀故雖諸將相莫敢與之抗

豐

括陽宮音鄭穆公子豐之後以王父字爲氏

豐

稷

宋字相之鄆人嘉祐中進士元符中拜左諫議大夫御史中丞擢禮部尚書首論蔡京章

惇貶海南團練副使安置台州卒年七十五建元間追復學士謚曰清敏稷三居言責每草疏必密室退焚稿未嘗以時政語人雖其子亦不得見其所薦士如陳瓘陳師錫鄒肇皆知名當

世人服其藻鑒

**豐有俊**

宋字宅之四明人稷四世孫登青樓見小娼疑故人女屢目之女亦悟酒罷畱宿女羞澀

良久曰豐官人識妾否詰之果故人女豐曰某所以畱者以坐間不得問也宜各寢必有以處汝娼遂還豐與京尹有舊明日以白尹且曰某僅有錢八千從公更貸二百千嫁之尹嘉其義卽載入府厚奩具擇良士嫁焉尹卽

王宣子佐也朱熹同科進士第一

**豐存芳**

宋字公茂清敏公孫也爲太平州倅宋端宗景炎元年二月蒙古兵至知州孟知縉謀以

城降存芳諫不聽詈知縉縉引蒙古兵屠其家同死者十八人卒方義竊其八歲孤禮長于民

間後代繁衍人以  
爲忠烈之報云

豐  
京兆宮音周文王所  
都國名子豐侯之國

豐伸之  
宋淳安人紹  
興間舉進士

馮  
始平宮音周文王十五子畢公高之後畢  
萬封魏食采馮城因氏又望出潁川上黨

馮簡子  
周鄭大夫能斷大事鄭國凡通問  
於諸侯必謀之簡子而可否始定

馮長  
周驪山人宣王時爲柱下史觀天文之變乃  
逸隱攝生遇鄧真人授以靈書功行垂成復

遇彭真人授以太上隱書遂  
得仙術平王二十年春化去

○  
馮

亭

周韓上黨守時秦白起伐韓拔野王上黨路絕亭與其民謀曰韓道已絕不如歸趙趙被

秦兵必親韓韓趙爲一則可以當秦矣趙王乃使平原君受地封亭爲華陽君亭垂涕不見使者吾不忍賣主之地而食之也馮去疾爲秦丞相馮無擇爲秦將馮敬爲魏騎將皆亭之後也

馮

驩

周魏人躡躑見孟嘗君置傳舍十日君問傳舍長曰客何爲者曰馮先生甚貧尚有一劍

耳彈曰長鋏歸來乎食無魚遷之幸舍十日又歌曰長鋏歸來乎出無輿遷之代舍後君使收債於薛驩曰惟市何物曰吾家寡者市之驩至薛召債主椎牛飲之以君言焚券人皆戴之還問市何物曰市義而還君府藏盈積惟寡義今結義耳君曰善後孟嘗君廢諸客皆去獨賴馮

驩得復

其位

馮

楊

漢魏郡人宣帝時爲弘農太守子八人皆爲二千石趙魏間號曰萬石君

馮

勤

漢楊之曾孫光武時爲郎中精勤盡忠賜爵關內侯遷尚書母年八十詔給扶上殿帝謂

諸王曰使馮勤貴寵者乃此母也

祖偃長不

滿六尺常自恥短陋恐子孫之似也乃爲子伉

娶長妻伉生勤

身長八尺三寸

馮奉世

漢字子明上黨人初學春秋涉大義善兵法持節進擊莎車威震西夏賜爵關內侯奉世

前後十年爲折衝宿將時論歸之子九人而四子通四經次子野王通詩逡通易立通春秋參

通尚書長子譚舉孝廉蚤世遂舉茂才參爲黃  
門郎綏和中封宜鄉侯立字君卿徙西河上  
郡與兄野王相代爲太守民歌之曰大馮君小  
馮君兄弟繼踵相因循聰明賢知惠吏民政如  
魯衛德化均周馮婕妤奉世女曾以身當熊  
公康叔猶二君孝元帝嗟嘆良久立爲昭儀  
○馮異漢字公孫潁川父城人通左氏春秋孫子兵  
法事光武爲主簿光武徇河北值王郎兵起  
乃馳至饒陽蕪蒹亭天寒衆饑異進豆粥至南  
宮又進麥飯至信都拜偏將軍異爲人謙退諸  
將論功異獨坐大樹下軍中號爲大樹將軍破  
赤眉帝降璽書勞之曰始雖垂翅回谿終能奮  
翼澠池可謂失之東隅收之  
桑榆後封陽夏侯謚節侯

馮素弗

晉北燕信都人慷慨有大志不脩小節盛藻與語奇之曰吾遠求騏驥不知近在東鄰何

識子之晚也

遂娶以女

馮

盎

唐字明達電白人隋末五州獠叛盎擊平之拜漢陽守隋亡或勸盎自王盎曰吾居越五

世矣惟恐或墮先德尚敢踰分哉貞觀中累累平洞寇封越國公高力士卽其孫也

馮

伉

唐魏州元城人爲醴泉令著諭蒙書十四篇後爲散騎常侍領國子祭酒選宰相德宗曰

前使澤潞不受幣者其

人清可用也遂授伉

馮萬石

唐聖歷初第進士大定初中嫉惡科神龍初中才高位下科景雲中中懷能抱器科開元

初重考及第六年中超羣拔類科十三年考判入第十六年又入等二十六年中文詞壯麗科

凡九登

科選

○  
馮

京

宋字當世江夏人式之子也幼雋邁不羣父常取其所誦書題其後云將作監丞通判荆

南軍府事馮京式既退十一年舉進士自鄉試至廷對俱策名第一爲將作監丞通判荆南如式之言時人謂式爲知子宰相富弼京之婦翁也京拜翰林學士知開封府韓琦爲相京數月不一見之琦謂其傲以語富弼弼使往見之京謂琦曰公爲宰相而京不妄詣公者乃所以重公也豈曰傲哉論王安石爲政更張被謫後以太子少師致仕謚文簡京少年及第張堯佐方

挾威晚勢欲妻以女曰上意也中官持酒核奩具至京峻却之持正不阿大率類此

馮

拯

宋字道濟河陽人少以文謁趙普普奇之謂曰子位與壽他日若我也太平興國二年及

第爲探花太宗詩曰二三千客裏成事七十四人中少年仁宗朝同平章事封魏國公謚文懿

馮

椅

宋字奇之都昌人性敏博學舉進士官至江西運幹旣而家居授徒所著易書詩語孟太

極圖西銘輯說孝經章句喪禮小學孔子弟子傳續史記及詩文志錄二百餘卷

馮

行已

宋字肅之元豐五年與富弼等一十三人爲耆英會

馮

允中

宋字作肅邵武人從學朱熹所論懲創後生妄作之弊甚善熹多許之嘗名其居曰見齋

馮大亮

宋見樵叟八人各出柟木一枝纔五六寸曰可栽庭中樹徑尺則家財百萬旬月而柟凌

空金玉

自至

熊

江陵宮音楚鬻融之後又黃帝有熊氏

熊渠子

周楚人夜行見臥石以爲虎射之沒鏃視之石也復射矢躍開

熊宜僚

周楚人白公勝欲殺子西謂石乞曰市南熊宜僚可當五百人石乞告之固辭承之以劍

不可勝曰不可利誘亦不可威剔斯人之謂也善弄九鈴八箇常在空中不在手楚與宋戰宜僚披胸受刃于軍前弄鈴宋軍停戰觀之遂敗

熊安生

南北字植之仕齊爲國子博士通五經周使尹公正問禮質疑一一演說聞周主入鄴遽

令掃門已而果幸其家執手同

坐給安車駟馬留宿內省乃歸

熊袞

唐東陽人性喜讀書事親至孝授御史大夫奉公守正必依禮法家無私積居父喪不能

葬晝夜號泣忽然空中落錢數萬袞得錢畢其喪事所剩者告入於官庫後人稱曰忠孝雨錢

御史

大夫

熊

皎

宋號九華山人工詩山居云深逢野艸皆爲藥靜見漁人恐是仙

熊

克

宋字子復建陽人著書有九朝通略中興小歷官制新典帝王經譜堦王克勤狀其行實

曰文有顏延之錯綜之工史有陳壽敘事之長  
牧民得曹叅清靜之旨制行適徐公通介之常

熊剛大

宋建陽人少穎敏從蔡淵黃靜游問學精專  
操志篤至所著有詩經註解性理小學集解

熊禾

宋字去非建陽人寧武州叅軍入元不仕學  
問至老不倦著易講義書說標題四書及輯

翰墨全書行于世學

者稱為勿軒先生

熊明來

宋豫章人咸淳進士授寶慶僉判國亡遂隱  
居教授講明經義考古篆籀文字調律呂協

詩歌以興雅樂學

者稱為天慵先生

洪

燉煌角音共工之後避讐  
改為洪又望出宣城豫章

洪師民

宋豫章人有四子俱負才名號四洪黃山谷甥長洪朋字龜父有詩可傳次芻字駒父第

進士放蕩江湖不求聞達詩千餘篇有前後老圃集靖康中爲諫議大夫坐事貶海上 次炎

字玉父登第於元祐末試吏於紹聖初顯於宣和貴於紹興官至著作郎祕書少監重聽對上曰世人皆聾於心臣獨聾於耳心則了了惟上所使 季子羽字鴻父元符末入黨籍遂終其身紹興間朝廷官其一子

洪

皓

宋字光弼樂平人少負奇節有經略四方志博學強記政和間舉進士初爲寧海簿攝令

事蠲貧弱四千八百戶稅縣境荷花桃實竹榦有連理之瑞建三瑞堂 宣和中秀州水皓集

有粟者無貴糶戒米肆揭價於青白旗上不能  
自食者食之活九萬五千餘人皓出百姓無不  
以手加額呼洪佛子建炎中擢徽猷閣待制  
假禮部尚書充大金通問使金人拘之迫使仕  
劉豫皓曰萬里銜命不得奉兩宮南歸恨力不  
能磔逆豫忍事之耶願就鼎鑊粘沒喝怒將殺  
之旁一校曰此真忠臣也爲皓跪請得流遞冷  
山皓雖居冷山屢因諜者密奏敵情且力言  
和議非計乞興師進擊以圖恢復又嘗求韋太  
后書遣李徽持歸獻帝帝大喜曰朕不知太后  
寧否幾二十年雖遣使百輩不如此一書皓  
畱金十五年抱印符臥起金人陷以美官略不  
動心身雖在虜心不忘宋嘗歎曰國讐未復吾  
之恥也至紹興十三年與朱弁張邵始還入對

內殿卽求郡養母帝曰卿忠貫日月志不忘君  
雖蘇武不能過豈可捨朕去耶 皓見秦檜語  
之曰張魏公金人所憚乃不得用而閑住於錢  
塘景靈宮太廟不切之役皆極土木之華豈非  
示無中原意乎檜謂皓子适曰尊公信有忠節  
得上眷但官職如讀書速則易終而無味須如  
黃鍾大呂乃可復以論事忤檜出知饒州後徙  
英州又徙袁州至南雄卒謚忠宣 皓爲金人  
所敬旣歸金使至必問皓爲何官居何地不幸  
爲檜所陷而死聞者悲之 皓三子俱中詞科  
帝曰皓身陷虜庭乃心王室三子詞科忠孝之  
報也 長子适字景伯號盤洲幼穎悟日誦三

千言紹興間與弟遵同中博學宏詞科擢祕書  
省正字後秦檜惡皓适亦論罷檜死復起嘗總

領淮東軍馬錢糧究心調度饋餉無闕官至尚書右僕射兼樞密使卒謚文惠次子邁字景嚴刻意苦學試制科中魁選擢祕書省正字紹興末拜起居舍人後知平江金人由海道窺二淞助副總管李寶禦之成功孝宗時拜同知樞密院事後知建康府有惠政以資政殿學士提舉洞霄宮卒謚文安季子邁字景盧號容齋亦中博學宏詞科紹興末假翰林學士使金書用敵國禮金人怒鎖使館後得還孝宗卽位拜中書舍人直學士院後知建寧婺州皆有善政以端明殿學士致仕謚文敏适曾孫芹舉進士爲太學博士遷將作少監屬詞臣無可上意者宰相程元鳳薦之兼翰林權直祕書少監累官禮部侍郎中書舍人立朝慷慨敢言有節量

洪璞

宋字叔玉淳安人仕爲鎮東節度推官陳備邊八策楊慈湖薦之曰守官數十年而無屋可居舉家三百指而無田可養其廉介如此兄琰亦有學行

洪文撫

宋建昌人六世同居太宗御書飛白一軸曰義居以賜之命其弟文舉爲江州助教復旌

其門

种

河陽宮音仲山甫之後避讐改爲种

种 嵩

漢字景伯洛陽人父遺財三十萬嵩悉以賑恤宗族邑里之貧者順帝時舉孝廉爲侍御

史糾奏稱職累遷南郡太守入爲大司農會匈奴寇邊擢爲度遼將軍嵩誠心撫綏由是羌人

服卒之日邊人咸爲發哀單于入朝望見墳墓輒哭泣祭祀長子岱字公祖好學養志舉孝廉茂才辟公府皆不就

**种**

**拂**

漢字應伯獻帝時爲太常李催郭汜之亂長安城潰百官多避兵拂揮劔而出曰爲國大

臣不能止戈除暴致使凶賊兵刃向宮去欲何之遂戰而死子劭字申甫獻帝時爲侍中董卓惡之出爲益州刺史會父拂戰死竟不之職曰我父昔以身徇國吾爲臣子不能除殘復怨何面目朝覲明主哉遂與馬騰等共攻催汜以執其仇軍敗皆死

**种**

**放**

宋字沉逸有別業在終南嗜酒躬耕自號雲谿醉叟一日往見陳希夷作樵夫叩拜於庭

下希夷挽之上曰君豈樵者耶二十年後當爲  
顯官放曰某爲道義而來官爵非所願也希夷  
笑曰君骨相當爾後張齊賢言放隱居求志可  
備顧問真宗召爲左司諫攜手登龍圖閣論天  
下事賜第一區辭歸山祥符八年秋忽早起服  
道衣聚諸生列飲取平生所作文藁悉焚之酒  
數行而逝壽六十不娶無子贈工部尚書兄  
子世衡字平仲少尚氣節以放無子蔭補將作  
監主簿嘗知青澗城及環州以控夏人在邊數  
年積穀通貨善撫養士卒以故得人死力及卒  
羌酋臨者數日青澗及環人皆畫像祀之子詒  
謬診皆有將才時號三種誼其幼子也孫朴師  
道師中亦名將師道字彛叔知兵有謀魏然  
有柱石之望靖康中金人圍城師道以河東河

北制置使將援兵至闕入對爲戰守之計除同知樞密院京畿宣撫使師中字端孺徽宗時奉寧軍承宣使爲金人所襲五戰三勝旣而敵悉衆攻左右軍皆潰師中獨以麾下死戰身被四鎗力疾鬪死詔贈少師謚莊愍

**終**

南陽徵音陸終之後以王子

**終**

**軍**

漢字子雲濟南人辯博能文武帝朝年十八選爲博士弟子初軍步入關關吏與繻軍曰

大丈夫西遊終不復傳還棄繻而去後爲謁者給事中建節東出關關吏曰此前去棄繻生也累擢諫議大夫自詣闕願受長纓以羈南越王頸致之闕下時軍年二十餘世謂之終童

戎

江陵羽音戎姓同齊人  
戎夷之後又望出扶風

戎

昱

唐荆南人至德間以文學登進士衛伯玉辟  
為從事嘗著元戎出塞詩京兆尹李鸞欲妻

以女命改姓昱拒之德宗建

中間歷任辰處二州刺史

袁

望出汝南今豫章東莞多大家在豫章者有袁  
景元守豫章因家焉後三子避亂居寧都賜姓

為

袁

袁

愉

五代寧都人本袁姓仕南唐以慶賀不便賜  
姓袁至檢校禮部尚書南唐降宋遂棄官歸

中山

宮

太原羽音  
望出河東

宮之奇

周虞人也晉荀息以垂棘之璧與屈產之乘假道於虞以伐虢之奇諫曰虢虞之表也輔

車相依唇亡齒寒公不聽奇以族行晉滅虢遂及虞

宮崇

漢瑯琊人順帝時上神書一百七十卷

風

伏羲之後魯僖公母領向國風姓女故曰成風

風后

解州人黃帝嘗夢大風吹天下塵垢皆去嘆曰風爲號令垢土去而后在也天下其有姓

風名后者哉自是求之得風后於海隅登以爲相

風

胡

古識  
劍人

鴻

大鴻氏  
之後

鴻

安

漢成都人與嚴君平友善作君  
平誄云無營無欲澹然淵清

桐

桐

君

上古爲爐煮  
藥白日飛昇

二冬

封

渤海宮音炎帝之後封鉅爲黃  
帝師因氏又望出河間武陵

封孚

晉字處道外總機事內叅密謀雖位任崇重謙虛儉約甚有大臣之體

封隆之

南北齊人首叅神武經略奇謀皆密以啓聞手書削藁罕知于外歷事五帝四爲侍中再

爲吏部尚書一爲僕射四爲冀州刺史始終完名世稱博大長者卒謚宣懿其父回歷度支都

官二

尚書

封德彝

唐名倫以字符年方少舅盧思道曰吾兒識略過人當立致卿相楊素與論天下事奇之

薦爲內史舍人妻以從妹撫床曰封郎終據此地貞觀中拜僕射隱刺之亂進忠策卒贈司空

封敖

唐字碩夫會昌中除翰林學士李德裕以平劉積功進太尉敖草制云謀與吾同言不他

惑德裕解玉帶贈之武宗使作詔慰邊將傷夷者云傷居爾體痛在朕躬上喜賜以宮錦

宗

京兆宮音周大夫宗伯之後以官爲氏又望出河東

宗如周

漢爲如州官有訴如州官宗怒曰敢呼吾名訴人謝曰只言如州作如州不知如州官名

如周早知如州官名如周不喚如州作如周宗漢書爾自責見侮乃深

宗

預

三國字德豐陽安衆人蜀漢爲丞相亮主簿累遷屯騎校尉兩使吳孫權嘉其伉直

遺以大珠一斛累拜征西大將軍賜爵關內侯

宗世林

三國與魏武同時而甚薄其爲人不與之交及魏武作司空總朝政從容問曰可以交者

答曰松柏之志猶有世林既以忤旨見疎位不  
配德文帝兄弟每造其門皆獨拜於床下其見  
禮如

北

宗

炳

南北字少文南陽涅陽人好琴書善畫精玄  
理每臨山水佳處輒忘歸晉劉毅領荊州辟

爲主簿不就答曰吾栖丘隱壑三十年豈可於  
王門折腰爲吏邪後徵召皆不應古有金石弄  
爲諸桓所重桓氏亡聲遂絕惟少文傳焉遠公  
結白蓮社有十八賢炳其一也少文好山水西  
涉荆巫南登衡嶽因結室衡山以疾還江陵歎  
曰老病俱至名山恐難徧覩惟當澄懷觀道臥  
以遊之凡所遊履皆圖之於室謂人曰撫琴動  
操欲令衆山皆響孫茂深有祖風當時貴人

欲與之遊不得乃使陸探微畫像挂壁觀之聞其愛香作香以饋時謂少文大宗茂深小宗故傳小宗香云 測字敬微性靜退不樂人間居江陵欲遊名山齋老莊自隨子孫拜送悲泣測長嘯不顧遂往廬山魚復侯爲江州厚餉遺測測辭曰少有狂疾尋山採藥遠來至此量腹而進松朮度形而衣薜蘿澹然已足豈容當此橫施

宗

慤

南北字元幹南陽人少時叔父炳問其志慤

答曰願乘長風破萬里浪仕劉宋爲豫州太

守曰得一州如斗大何足以展吾志後以振武將軍伐林邑入象浦其國裝象以戰慤製爲獅子與象相禦象果驚奔克林邑珍寶山積慤一毫無犯歸惟被枕後封洮陽侯

宗 懔

南北字元懔少聰敏鄉里呼爲小兒學士梁元帝鎮荊州令兼記室遷吏部尚書所撰有

荆楚歲

時記

宗 承

南北洛陽人父葬負土作墳不役僮僕一夕之間土壤自高五尺松竹生焉

宗 連長

南北長安富人季女賢而有色欲求賢壻時趙元叔豪宕家徒四壁宗以女妻之與奴婢

二十餘口馬十餘匹

金帛巨萬遂爲富人

宗

翼

宋虞城人篤學謙謹負米養母經史一見卽能默寫學歐陽虞柳書皆得其楷法隱而不

仕戚同文稱

其有古人風

宗

澤

宋字汝霖義烏人有文武才略令龍游民不知學澤首建庠舍設師儒風俗一變建炎初為東京畱守李綱所薦澤前後二十餘疏高宗還京為汪黃所沮未及一年憤死詠杜詩云出師未捷身先死長使英雄淚滿襟謚忠簡子穎

鍾

穎川角音宋微子啓之後桓公會孫伯宗仕晉生黎黎仕楚食采鍾離因氏焉

鍾

子期

周楚人伯牙鼓琴子期聽之意在高山曰魏

期死伯牙鼓琴絕

絃謂世無賞音者

鍾

皓

漢字季明潁川人少以篤行稱避隱密山前後九辟公府皆不就李膺嘆曰鍾君至德可

師與陳寔荀淑韓韶爲潁川西長漢桓帝朝爲  
林慮長諸儒頌曰林慮懿德非禮不處悅此詩  
書彈琴樂古五就州招九膺台輔逡巡主命卒  
歲容與 皓爲郡功曹時陳太丘爲西門亭長  
太丘少皓十七歲皓嘗禮待與同分義會辟公  
府當辭去太守問誰可代君皓曰明府必欲得  
人西門亭  
長可用

○  
鍾

繇

三國皓之曾孫字元常善書好謀封武亭侯  
與胡昭並師劉德升草書繇書若飛鴻戲海

舞鶴遊天世傳胡肥鍾瘦嘗曰用筆者天也流  
美者地也非凡庸所知臨終探囊授子會曰吾  
精思學書學其用筆若與人居畫地廣數步臥  
畫被穿過表如廁至於忘歸見萬類皆畫像之

二子毓會鍾毓機捷談笑有父風累官刺史歷都督徐州荊州會亦善書魏末爲鎮西將軍與鄧艾征蜀有異志死于兵女孫琰善屬文博覽羣書適王渾禮儀法度爲中外所稱

鍾

雅

晉字彥胄繇弟少有才志累遷至侍中蘇峻既至石頭百僚奔散惟雅獨在帝側或謂雅

曰見可而進知難而退古之道也君性亮直必不容于寇讎何不用隨時之宜坐待其斃耶雅曰國亂不能匡君危不能濟而各遜遁以求免吾恐董狐將執簡而進矣

鍾

嶸

南北字仲偉明易義仕齊兩爲記室專掌文翰作詩評品藻古今詩人其論最詳明帝躬

親細務上書切諫上不懌曰鍾嶸何人乃欲斷朕機謀

鍾紹京

唐字可大潁州人繇十世孫性孝童幼時嘗得瓜果不敢先食以奉二親工詩號小鍾繇

號大鍾也從玄宗平內

難累遷中書令越國公

○  
鍾

馯

唐武德中應舉不第觸階而死後明皇晝寢夢一小鬼盜玉笛上叱之忽有大鬼破帽藍

袍角帶捉小鬼剋其目擘而啖之上問對曰臣終南進士鍾馯應舉不第觸階而死奉旨賜袍帶葬之誓除天下虛耗命吳

道子圖之儼然如夢所見

鍾

隱

五代字晦叔天台人少清悟不嬰俗事嘗卜居閑曠結茅室好畫花竹禽鳥以自娛凡舉

筆寫像必致精絕時無擬者又善畫鷁子白頭翁鷓鴣鳥斑鳩皆有生態兼長草棘樹木升元中

齊安張校尉得隱畫鷁鳥二幅張之賓次時金昌宗題詩曰爲厭翻翔下葦叢戢翰側腦思何窮侍童莫便褰簾過只恐驚飛入碧空其爲人珍賞多類此

鍾元龍

宋字善甫舊名禪將樂人寶祐二年夏水漂田秋霜損稼間里告歉元龍乃發倉廩減價

以賑之所

活者甚衆

鍾

震

宋湘潭人從朱晦菴受業建王一書院講道鄉士夫咸宗之學者稱王一先生

龔

武陵羽音晉大夫龔堅之後

龔

遂

漢山陽人爲昌邑王郎中令王有不正遂諫諍王掩耳起走宣帝卽位渤海盜起命遂爲

渤海太守單車至郡勸民農桑民皆賣劍買牛  
賣刀買犢境內大治徵入功曹王生隨行及陞  
見王生醉呼曰天子卽問君何以治渤海君但  
曰皆主上之德非小臣功也土果問以治狀遂  
對如王生上笑曰卿安得長者之言遂曰臣叻  
曹敎之也卽拜遂水衡都尉王生爲水衡丞

龔

勝

漢字君實彭城人三舉孝廉哀帝時徵爲諫  
議大夫王莽秉政歸隱鄉里莽遣使奉印綬

安車駟馬徵之拜上卿勝語門人高暉等曰誼  
豈一身事二姓乎遂不食死有彭城老父見  
漢室衰遂隱身脩道不語姓名年九十餘聞勝  
死痛勝以名致禍乃獨入哭甚悲旣曰嗟乎薰  
以香自燒膏以明白銷龔先生竟天天年非吾  
徒也哭畢趨出時會歛數百人竟莫知其爲誰

龔

舍

漢字君倩通五經以魯詩教授與孔休卓茂  
蔡勲劉宣鮑宣同志不仕初以勝薦徵為諫  
議大夫復拜光祿大夫終不起  
二人並著名節世謂之楚兩龔

龔慎儀

宋字世則邵武人仕南唐為禮部侍郎開寶  
初入貢太祖命齎書往招嶺廣被執漢亡得

歸後李主歸宋以駕部郎中為歙州刺史宜春  
盧絳欲據福建領眾數千由新安入歙慎儀朝  
服坐黃堂日不顧絳神色自若絳曰聞公素有  
籌略今下歙特請公為謀主慎儀厲聲曰吾已  
受命於宋雖一日失援肯從賊  
為叛耶絳怒殺之舉家被害

龔

穎

宋字同秀天資穎悟博通經史初仕南唐為  
內史學士隨李主歸宋擢為御史大夫叔慎

儀爲虜絳所害及絳歸宋與穎同朝穎曰古之  
殺人以義者令勿仇今絳不義縱殺無辜若不  
以爲讐非所以盡忠孝之義也乃袖鐵簡入朝  
會絳陞見穎遽前擊之太祖驚問故穎以狀對  
待罪奏曰一爲國家除害二爲叔父報讐極言  
絳狼子野心不可畜於朝太祖嘆曰江南小國  
有義士若是耶遂誅絳義穎而  
釋之世以忠義稱之號曰端公

龔

郊

宋字曇伯寧德人曾祖允昌祖必俞俱稱善  
士郊早從朱文公學不務口耳一意躬行晚

與楊復辯論理氣先後之說尤有造

詣自號南峰居士有詩文雜著數卷

龔

楫

宋字濟道父原爲兵部侍郎崇寧中謫居和  
州因家焉楫聞金人陷郡縣輒忿恚不食兀

龔明之

宋字熙仲幼孤鞠於祖母李氏李嘗語之曰  
吾少時夢綠袍判官曰與汝七十七後及此  
數病亟明之焚香於頂願減己算五年益祖母  
壽遂愈年八十二卒淳熙中遷宣教郎服銀緋

龔

壯

宋渠人潔已守道父爲人所殺壯卒定計  
執仇以報朝廷徵召不就以文籍自娛

龔

開

宋字聖子淮陰人宋亡不仕家益貧賓客造  
訪至無几席一子名浚每俯伏榻上就背上  
按紙作唐馬圖甚工一出入輒以數十金易之  
嘗爲文天祥陸秀夫立傳時稱班固不及也

龔

聖

邵武道人也結菴脩竹間有異道乘龍往來  
勅封神濟妙應大師所居峰上有磐石歲旱

禱雨置淨瓶石下水

滴瓶中水滿卽止

龍

武陵羽音舜臣董父好龍曰擾龍氏以王父字爲氏又望出天水

龍伯高

漢名述以字行京兆人爲仙都長馬援嘗戒其兄子曰龍伯高敦厚周慎口無擇言謙約

節儉廉公有威吾愛之重之願汝曹效之效伯高不得猶爲謹飭之士所謂刻鵠不成尚類鶩者也

龍袞

五代撰江南野史二十卷

龍復本

宋開成中人無目善聽聲揣骨知人官祿壽夭揣蕭寘笏曰宰相笏又揣宋祈笏曰長官

笏後

皆驗

龍太初

宋以詩人謁王荆公公與郭功父坐郭叱曰相公前敢稱詩人令賦沙詩龍答曰茫茫黃

出塞漠漠白鋪汀鳥去風平

篆潮回日射星郭爲閣筆

雍

京兆又望出平原周文王第十二子雍伯之後以國爲氏

雍

巫

周易牙姓名齊人知味

雍

陶

唐字國鈞成都人能詩太和進士簡州刺史

雍

鈞

宋南克人中治平進士爲御史臺主簿時章惇用事朝士滿門鈞獨不往惇怒出知蓬州

雍存

宋全椒人隱居不仕以文史自娛居城南號南郭先生錢公輔遊山詩每從南郭先生到

謂存也紹聖初曾肇

爲守嘗與爲文字交

雍孝聞

宋蜀人崇寧間廷對力詆時政授右列卒不仕政和末變姓名爲道人入內說法徽宗謂

其得林靈素之半因賜姓木更名廣莫竟不知其爲孝聞也嘗自詠云百萬人中隱一身渾如

勺水在滄溟獨醒雖負賢人酒天闊難尋處士

星照影自憐湖水碧高吟贏得蜀山青城南老

樹如相問不枉

翻空過洞庭

共

共工氏有子名勾龍佐顓頊平水土左傳商侯國文王侵阮徂共子孫以國爲氏

尚友錄

○ 共 華

周晉惠公時平鄭之自秦反也聞里克死見共華曰可以入乎共華曰二三子皆在外而不及子使於秦可乎哉平鄭入君殺之共賜謂共華曰子行乎其及也共華曰夫人之入吾謀也將待也賜曰孰知之共華曰不可知而背之不信謀而困人不智困而不死無勇任大惡三行將安之子其行矣我姑待死

松

東莞宮音秦封爲大夫因氏

○ 松

贊

隋名士北海人沒於王事

嵩

○  
嵩真

漢安定人明算術成帝時真常算其年壽七十三綏和元年正月二十五日晡時死書其

壁以記之後二十四日晡時死其妻曰見其算時長下一算欲以告之慮脫有旨今果校一日真又曰北印青隴山上孤檣之西四犬所鑿之入七尺吾欲葬此地及真死依言往掘得古時空槨卽以葬焉

庸

庸

芮

周秦宣太后病將死出令曰爲我葬必以魏子爲殉魏子患之庸芮爲魏子說太后曰以

死者爲有知乎太后曰無知也曰若太后之神靈明知死者之無知矣何爲空以生所愛葬於

尚方金

無知之死人哉若死者有知先王積怒之日久矣太后救過不贍何暇私魏醜夫乎太后曰善

止乃

庸

生

漢名譚膠東人始孔安國以古文尚書授都尉朝朝授譚尚書文學未得立中興扶風杜

林傳古文尚書同郡賈逵作訓馬融作傳鄭康成注解由是古文尚書遂著于世

恭

晉太子申生謚恭君其後以爲氏又敬姓避梁諱亦有改姓爲恭者

恭

播

晉著漢書音義十二卷漢書注四十卷

三江

江

汝南嬴姓顓頊玄孫伯益之後爵封於江後爲楚所滅以國爲氏望出濟陽

江

乙

周說安陵君曰以財交者財盡而交絕以色交者華落而交渝是以嬖女不敝席寵臣不

敝軒

江

道

晉字道載陳留圉人避亂居江淮耽玩經史時殷浩辟爲叅軍後以功拜侍中子蔚遷至

吳興太守弟灌累官尚書中護將軍從子績御史大夫江績字仲元有志氣除祕書郎以父

與謝氏不穆故謝安之世辟召無所從論者多之安薨始爲會稽太守王道子驃騎主簿多所規諫歷諮議叅軍出爲南郡相會荊州刺史殷仲堪舉兵以應主恭仲堪要績與南蠻校尉殷

顓同行不從顓慮績及禍乃於仲堪和解之績  
曰大丈夫何至以死相脇江仲元行年六十但  
未知獲死所耳一座皆爲之懼仲堪憚其堅正  
以楊佺期代之朝廷聞而徵績爲御史中丞奏  
劾無所屈撓及卒朝野悼之績弟統字應元  
靜默有遠志累官散騎常侍時朝廷處戎狄於  
內地統嘗著徙戎論以警朝廷長子霽仕終國  
子祭酒次子惇讀書有文名累徵不就霽子顓  
顓子恒夷  
竝貴顯

江秉之

南北字玄叔濟陽考城人少孤友其弟妹甚  
篤仕宋歷烏程建康山陰令皆有政績累遷

新安臨海太守所至以簡約見稱  
在郡嘗作一書案去官留以付庫

○江

淹

南北字文通考城人年十三孤貧賣薪以養母於樵所得蟬冠一其母曰此汝休徵也可

畱待得待中時著之後果如其言少以文章顯爲宣城太守時罷政泊禪靈寺渚夢張景陽謂曰前以匹錦相寄今可見還探懷中得數尺與之此人大恚曰那得割截都盡顧見丘遲曰餘此以遺君自是淹文章蹟矣嘗令浦城夜宿郭外孤山夢人授以五色筆後宿治亭夢郭璞曰吾筆在卿處多年可見還淹乃探懷中得筆還之後詩絕無美句時人謂之才盡淹爲御史中丞時彈劾不避權貴梁天監中遷金紫光祿大夫封醴陵侯

江

革

南北字休映考城人六歲能文事母以孝稱仕南齊官中丞爲魏人所執稱疾不拜放還

明帝勞之曰今日復見蘇武節遷太尉乞歸行  
李蕭然取岸石壓其舟世以清介高焉少孤  
貧兄弟自相訓勗俱詣太學補國子生舉高第  
王融謝眺相敬重眺嘗過革時大雪革敝絮單  
席而耽學不倦眺脫所著襦併  
手割半氊與革克臥席而去  
江 謔 南北性嗜酒有曰酒猶兵也兵可千日不用  
不可一日而不備酒可千日不飲不可一飲  
而不醉

江

拱

南北梁人與蕭文琰丘令楷等竝以文稱竟  
陵王夜集賦詩約四韻刻炬而成又共擊鉢

立韻響  
絕而成

江文蔚

五代字君章建陽人長于詞賦拜御史中丞坐劾宰相貶江州治柴車奉母欣然就道嘗

作詩曰屈原若幸高堂

在終不懷沙葬汨羅

江爲

五代文蔚族子嘗遊廬山白鹿洞師事陳貺學詩居二十年遂以詩著名得風人之體南

唐王雅重之  
屢徵不至

江少虞

宋字虞仲常山人政和進士調天台學官寇至守倅遁去少虞獨率弱卒堅守人有死志

首射殺渠魁賊遂潰去歷建饒吉三州守治狀皆第一所著宋朝類要詔藏史館有雜著經說

奏議百

餘卷

江

贇

宋字叔圭崇安人初遊上庠與龔深之以學易並著名後隱居里中近臣薦其賢明不赴政和中太史奏少微星現舉遺逸命下邑宰陳難謁其廬聘以殊禮復以詩勉其行三聘不起賜號少微先生所著通鑑節要行于世

江休復

宋陳畱人仕爲藍山尉累遷刑部郎中脩起居注爲人外簡曠而內行甚飾其文章醇雅尤長於詩書善隸書與人交久而彌篤著宜鑑春秋世論及其文集若干卷

江

琦

宋字全叔建陽人宣和中第進士著春秋經解三十卷辯疑一篇語孟說各五卷

江

默

宋字德功崇安人乾道中第進士歷安溪縣尉皆有政聲後知建寧縣卒于官邑民像

而祠之無不瞻仰默從朱文公游文公稱其無他嗜好一意讀書嘗考本朝典章爲書名曰綱集凡三十六卷上之又有

易訓解四書訓詁六卷

江滋

宋字益之崇安人第進士調來陽令滋始至視學宇頽敝卽鼎新之作諭學詩七十韵備

述朝廷勸勵士子之意監司上其事時遷一官繼知長社縣時蘇轍退居潁上杜門謝客惟滋每造得相容接且相與唱和

有潁州集宮至朝議大夫

江致虛

宋休寧人弟致一俱以鄉薦入太學靖康間凡六詣闕乞斬蔡京等六賊復李綱相位指

陳軍國大事尋中知兵科優等授承信郎高宗卽位求致虛有旨特換文資與正錄力辭不就

江萬里

宋字子遠都昌人理宗時爲賈似道叅謀以  
峭直見忌度宗時拜右相嘗請益師往救襄  
樊賈似道不應力求去歸鄉里元兵至萬里赴  
水死詔贈太師益國公謚文忠弟萬項號古崖  
以南劒知州家居  
亦被執罵賊死

雙

天冰宮音顓頊之後封  
於雙蒙城因以名氏

雙泰貞

南北吳興人有幹力沈攸之起兵召之泰貞  
殺傷數人不從攸之將母去泰貞自歸求母

攸之曰此

孝子也

龐

始平宮音周文王子畢公高之後封  
於龐鄉因氏焉又望出京兆譙國

龐

參

漢字仲達緱氏人安帝朝爲漢陽太守郡人任棠有奇節參往候之棠抱兒當戶以一盃水拔大本薤獻之參曰水者欲吾清也拔大本薤者欲吾擊強宗也抱兒當戶者欲吾開門恤孤也在職果能鋤強扶弱以惠政得民順帝時累遷至太尉時三公之中名爲忠直

龐德公

漢南郡襄陽人居峴山南未嘗入城府荊州刺史劉表數延請不屈乃就候之龐公耕隴

上妻饁于前相敬如賓表問曰先生不肯受官祿將何以遺子孫乎公曰人皆遺之以危我獨遺之以安司馬德操嘗謁之值其上冢徑入其室妻子羅拜堂下命速作黍徐元直當來乃設具須臾德公還直入相就不知何者爲客也諸葛亮每造之獨拜牀下德公初不令止建安中

携妻子隱鹿門山因採藥不返

子煥晉泰康中拜牂牁太守

龐

統

三國字士元德公從子司馬徽稱爲南州士

之冠冕漢昭烈使守來陽不治免官魯肅曰

士元非百里才使處治中別駕之任始得展其  
驥足耳昭烈名爲治中從事從昭烈入蜀爲流  
矢所中卒子肱剛簡有識仕至涪陵太守統弟  
剛仕魏爲鉅鹿太守顧邵與士元宿邵問曰  
聞子名知人吾與足下孰愈曰陶冶世俗與世  
浮沉吾不如子論王霸之餘策覽倚伏之要害  
吾似有一日之  
長劬亦安其言

龐

儉

三國少失父母後鑿井得錢千餘萬又遇得  
一老蒼頭乃父也語曰鑿井得錢買奴得翁

龐

蘊

唐字道玄衡陽人來家襄陽潔身脩行臨終招刺史于頔謂曰但願空諸所有慎勿實諸

所無言訖奄然而化世號爲龐居士嘗謁江西馬祖問不與萬法爲侶者是甚麼人祖曰待汝吸盡西江水却向汝道居士大悟女靈照先居士七日日中而逝其男斷畬母往告曰老漢與靈照去也男按鉏笑曰噯亦立而化母曰汝更愚癡旣而焚化畢別鄉間歸隱鹿門山不知其所終

龐天祐

宋江陵人以經籍教授里中父疾天祐割股食之疾愈愈復病目喪明天祐號泣祈天舐

之父年八十餘卒天祐負土封墓結廬其側晝夜號聲不絕真宗時詔旌表其門

龐

籍

宋字醇之武城人儂智高叛狄青爲宣撫使籍力贊其可用且言號令不專不如不遣仁

宗然之故特專任之及捷書至仁宗謂籍曰非卿執議豈能成功後封穎公致仕屏居讀書自娛作詩云田園貧宰相

圖史舊書生卒謚莊敏

龐安常

宋黃州人善醫而聾然甚穎悟以指畫字示之深會人意東坡嘗戲之曰余以手爲口君

以眼

爲耳

龐安仁

宋字宅道晉陵人通五經尤長於易張正素周道卿皆在其門

逢

長樂宮音夏殷諸侯有逢公伯志封齊王其後子孫氏焉

逢

同

周越大夫勸勾踐  
深自隱匿以圖吳

逢

萌

漢字子慶北海都昌人家貧爲亭長旣而歎  
曰大丈夫安能爲人役哉遂去之長安時王

莽殺其子宇萌謂友人曰三綱絕矣不去禍將  
及卽掛冠東都城門携其家屬浮海客於遼東  
及光武卽位始還累徵不起萌雅與王君公善  
王亦平原高士也僧牛自隱不交當世時人語  
曰避世牆

東王君公

逢

龍

宋廣州人隨文丞相麾下  
抗呂師夔逢龍戰死之

四

支

支

邵陽徵音支雄傳云其先月支胡人也後作氏

支

遁

晉字道林河內林慮人少而任心獨往風期高亮家世奉法嘗於餘杭山沈思道行冷然

獨暘居會稽哀帝欽其風味遣中使至東迎之遁遂辭上壑高步大邑與王謝諸人共談玄理

後終於

洛陽

支叔才

唐定州人隋末荒饉母爲賊執叔才告以情賊憫其孝爲解母病癰叔才吮瘡注藥及亡

廬墓有白鵲止其

傍高宗表異其家

支

謙

唐受業於支亮亮受業於支識世稱天下博知不出三支

施

吳興徵音魯惠公子施父  
五代孫尾生稱施伯因氏

施之常

周字子恒孔門弟子魯人也贈乘氏伯封臨  
濮侯贊曰開國乘氏有德斯彰叅稽言行贊

理三

綱

施

延

漢字君子沛國蘄人明五經星官風角家貧  
嘗詣海鹽任作半路亭以養母時馮敷爲督

郵至知其賢者下車謝使入亭請與飲食  
脫衣與之餉錢不受順帝初徵拜太尉

施

讐

漢字長卿沛人初從碭人田王孫受易後爲  
博士甘露中與諸儒雜論五經同異於石渠

閣讐授張禹禹授彭宣  
由是施家有張彭之學

施世瑛

隋字玉華安吉人勇斷有才氣大業中天下擾攘乃率宗族鄉鄰弟子聚精自守聞唐高

祖起兵領衆歸附拜

桃州刺史賜賚優厚

施肩吾

唐分水人有詩名元和中舉進士退隱洪州西山終身不仕所著有文集十卷後遇旌陽

授以丹方

竟得仙去

施士句

唐吳人以詩名兼春秋在大學士九年爲博士韓愈銘其墓云先生明毛詩通春秋左氏

傳朝士大夫從而執經考疑踵

于門子友直縣簿次友諒齋郎

施師點

宋字聖與上饒人十歲通六經乾道中以臨安教授賜對言民困窮乞免逋負詔從之假

翰林學士使金以禮有所執金人駭愕後叅知政事與周必大協心輔政卒贈金紫光祿大夫

施

全

宋錢塘人挾刃刺秦檜不克死之

隨

河內羽音晉大夫隨武子之後與隋姓同隋文帝去走爲隋又望出清河扶風

隨

會

周晉大夫文侯登隧大夫皆扶之隨會不扶文侯曰會夫爲人臣而忍其君者其罪何如

對曰其罪重死曰何謂重死對曰身死妻子爲戮隨會曰君奚獨問爲人臣而忍其君者而不問爲人君而忍其臣者耶文侯曰爲人君而忍其臣者其罪何如隨會對曰智士不爲謀辯士不爲言仁士不爲行勇士不爲死文侯援綏下車辭大夫曰寡人有腰髀之病諸大夫勿罪也

隨

何

漢爲謁者說九  
江王黥布歸漢

祁

太原徵音帝堯伊  
祁之後與祈通用

祁

奚

周晉人悼公時爲中軍尉請老公問代之者  
稱解狐其讐也狐卒又問對曰臣之子午可

也羊舌臧死公問孰可代之者對曰赤也可於  
是使祁午爲中軍尉羊舌赤佐之君子謂奚稱  
其讐不爲諂立其子不爲比舉其偏不爲黨

平公立起奚爲公族大夫午子順順子勝

祁彌明

周趙盾車右勇士也晉靈公伏甲欲攻盾與  
飲彌明知之曰臣侍君飲過三爵非禮也扶

而下公嗾癸明搏殺之曰棄人  
用畜雖猛何爲鬪且出明死之

祁孔賓

晉名嘉以字行清貧好學博通經史有人夜呼祁孔賓歸去來脩飾人間事甚苦不可諧

後仙

去

祁曄

宋字坦之膠水人舉進士天禧中以度支員外郎出知濰州性至孝母卒葬州城南曄解

官歸廬于墓旦夕悲號蔬食水飲經六冬墮

足二指會有白鳥白兔馴繞之異詔賜粟帛

皮

天水徵音風俗通周卿士樊仲皮之後又望出下邳

皮豹子

南北魏名將

皮日休

唐字襲美襄陽人能文章舉進士與孟浩然隱鹿門山自號間氣布衣又曰酒民作酒箴

食箴與陸龜蒙爲友有松雪倡和詩集子光業  
字文通十歲能屬文美容儀善談論若神仙中  
人撰皮氏見聞錄十三卷孫文  
粲亦能詩文官至鴻臚少卿

皮龍榮

宋字起霖醴陵人淳祐進士伉直不肯降志  
於賈似道歷官資善堂直講入對言一過改

而一善著百過改而百善融  
陞吏部侍郎封醴陵縣男

皮子信

宋機悟有風神位儀同三司  
於勲貴子弟中稱其識鑒

訾

渤海徵音風俗通帝  
譽妃訾姬氏之後

訾

順

漢樓虛侯  
功臣表

訾亘

宋嘗師丹陽馬鈺長春丘處機自號守真子稱訾仙翁遊歷濟南抵鄭之釣臺太和間大雪丈餘亘不出已十餘日人以爲死矣衆除雪視之端坐儼然殊無寒餒色貞祐間大兵破川陝軍民恐懼亘曰無妨已而果然哀宗幸蔡問曰天下城池攻陷殆盡此城獨安何也人以訾仙翁對亘遂溘然羽化未及喪葬明日城遂陷去

時

隴西徵音齊賢人時子之後又望出陳留

時

苗

漢少清白建安中爲壽春令之官用黃犢牛牽車歲餘生一犢及去畱其犢以初來本無

也

時

荷

晉字陽道從許真君學道寧康二年與陳君孝舉束導從許君上昇荷有遺跡在紫蓋府

今爲南昌縣廳

宋封洪施真人

時

溥

五代徐州人爲破黃巢第一後兼中書令鉅鹿郡王

時

檄

宋字傳之崇德人歷知和州居官廉正惠愛辯治尤長於識鑒嘗擇壻得同邑莫元忠元

忠處儉約辭以非偶笑曰莫子

當爲令人後果及第爲時名士

池

西河微音以居爲姓

池夢鯉

宋咸淳甲戌特科狀元

師 太原徵音周師尹之  
後又望出瑯琊平原

師

曠

周字子野晉人爲樂師度正音律悼公問曰  
衛人出其君不亦甚乎對曰良君養民如子

蓋之如天容之如地民奉其君愛之如父母仰  
之如日月敬之如神明畏之如雷霆其可出乎  
夫君神之主也而民之望也若百姓絕望社稷  
無主將安用之 平公問叔向曰昔齊桓公九  
合諸侯一匡天下不識其君之力乎其臣之力  
乎叔向對曰管仲善制割隰朋善削縫賓胥無  
善純緣桓公知衣而已亦其臣之力也曠侍曰  
臣請譬之以五味管仲斷割之隰朋煎熬之賓  
胥無齊和之羹已熟矣奉而進之而君不食誰  
能強之亦君之力也 平公嘗強之鼓瑟一奏

之有玄鶴二八集于庭延頸而鳴舒翼而舞平公起而爲曠壽曰音無此最悲乎曠曰有援琴再奏之白雲從西北起大風至而雨隨之廊瓦半飛左右失色

師

經

周鼓琴魏文侯曰使我言而無見遺經援琴而撞文侯中旒潰之文侯曰爲人臣而撞其君者罪當烹經曰臣可一言而死乎昔堯舜唯恐言而人不違桀紂唯恐言而違之臣撞桀紂非撞吾君也文侯曰釋之是寡人之過也懸琴以爲寡人符不補旒以爲寡人戒

師

史

漢轉轂百數郡國無不至過邑不入門能致十千萬

師宜官

漢靈帝時人立隸書古今爲最大則一字徑丈小則方寸千言或時不持錢詣酒家因書

其壁顧觀者以酬  
酒直醉乃舍去

耄者  
堯姓伊耄氏之後

耆域  
周天竺人  
善咒水

伊  
陳留官音古天子有伊祁氏其後  
因以伊為姓又望出河南山陽

伊尹  
上古耕于有莘之野湯以幣三聘之遂幡然  
而起相湯伐夏救民以天下為已任一夫不  
獲其所曰時予之辜又相太甲而放之使之  
處仁遷義卒成令主孟子稱其聖之任者也

伊籍  
三國蜀人字機伯擢昭文將軍使孫權權聞  
其才辯欲逆拒之入拜權曰勞事無道之君

乎曰一拜一起未足  
爲勞其機捷如此

伊

叡

南北代人少勇健走及奔馬善射力拽牛却  
行仕魏爲侍郎賜爵河內公拜司空清約自

守爲政舉大綱不  
爲苛碎人欽慕之

姬

南陽徵音帝嚳生  
姬水因以爲氏

姬

旦

周文王子世居岐山生有聖德相武王伐紂  
以安天下又輔成王制禮作樂以成周家之

治嘗曰吾不如者吾不與處累我者也與我齊  
者吾不與處無益我者也惟賢者必與賢于已

者處賢者之可得與處也禮之也主賢世治則  
賢者在上下主不肖世亂則賢者在下

伯禽與

康叔見周公三見而三答康叔有駭色謂伯禽  
曰有商子者賢人也與子見之乃見商子而問  
焉商子曰南山之陽有木焉名曰喬二三子往  
觀之見喬實高高然而上反以告商子商子曰  
喬者父道也南山之陰有木焉名曰梓二三子  
復往觀焉見梓實晉晉然而俯反以告商子商  
子曰梓者子道也二三子明日見周公入門而  
趨登堂而跪周公拂其首勞而食之曰爾安見  
君子乎伯禽就封周公戒之曰我文王之子  
武王之弟今王之叔父我于天下亦不賤矣然  
我一沐三握髮一飯三吐哺起以待士猶恐  
或失天下之賢人子之魯慎無以國驕人

姬

奭

周召公奭巡行南國嘗就棠樹下問民疾  
苦去後國人思之爲之賦甘棠戒勿剪伐

郗

山陽角音又望出濟南

郗

鑒

晉字道徽高平金鄉人博覽經籍躬耕壠上吟咏不倦爲車騎將軍與王導卞壺等同受

遺詔輔少主位至司空加侍中王敦忌鑒鑒曰大丈夫旣潔身北面豈可偷生屈節遂與帝謀滅敦鑒在北府時桓宣武惡其居兵權鑒於事幾素闇遣賤詣桓方欲共獎王室脩復園陵孫嘉賓聞信至急取賤視竟寸寸毀裂便更作賤自陳老病不堪欲乞閒地自養宣武大喜卽詔轉督五郡會稽太守鑒長子曇字重熙爲中書郎中遷御史中丞蘭亭脩禪曇與焉成五言一首次子愔字方回襲父爵南昌縣公徵拜門下中書侍郎子三人超融冲皆長子超

字嘉賓少卓犖不羈父積錢數千萬超一日散  
與親故俱盡桓溫辟爲府掾府中語曰髯叅軍  
短主簿能令公喜能令公怒超多鬚而王珣短  
也桓溫入朝謝安與王坦之詣溫溫令超臥帳  
中聽客語風動帳開安笑曰郗生可謂入幕之  
賓矣 超每聞高尚隱退者輒爲辦百萬資并  
爲造立居宇在剡爲戴公起宅甚精戴謂所親  
云近至剡如官舍 超將死以箱授門生曰父  
若哀悼可呈此情果思超成疾門生呈箱皆與  
桓溫往來密計愔怒曰小子死晚矣遂不復哭  
郗 晉高平人作晉中興書以示何法盛法盛有  
意圖之曰卿名位貴達我寒士賴有著述傳  
聲於後宜以爲惠郗不與後郗外出法盛詣  
郗直入竊書郗還失之無復兼本遂行何書

郝

詵

晉字廣基單父人博學多才不拘細行舉賢良射策第一嘗對武帝曰臣猶桂林一枝崑

山片玉

詵素目山行喜聞樵語牧唱歎曰洗

盡五年塵土腸胃欣然倚驂臨水久之乃去

麋

汝南宮音楚大夫受封於南郡麋亭因以爲氏又工尹麋之後又望出東海南陽

麋

竺

三國字子仲胸人世貨殖貲產巨萬呂布襲下邳虜先主妻困匱日甚竺進妹爲夫人奴

客二十金銀貨幣以給軍資賴以復振後益州平拜安漢將軍竺雍容敦雅而幹局非其所長故先主待之雖厚而未嘗有所統御弟芳

麋

溧

宋字子長師旦子以郊恩授如臯尉登慶元進士改和州司戶叅軍知廣濟縣崇庠序督

課試平役法講荒政惠澤滂溢于時擢監察御史言事激發風裁凜然轉朝議大夫祕閣脩撰溧學問克實性稟純厚退靜清介居家孝友雍穆立朝正色剛直有大臣之節名重一時

儀

衛大夫儀封人之後

儀長孺

漢西河人善相馬

兒

官氏志賀兒氏改爲兒氏

兒

寬

漢千乘人治尚書家貧賃作帶經而鋤武帝時射策爲掌故遷左內史以負租課殿當免

民間之大家牛車小家擔負輸租不絕課更以最寬通世務以經術緣飭吏事後爲御史大夫

兒萌 漢更始時弟明見執於赤眉將食之萌叩頭乞以身代賊哀而釋之

危 汝南宮音又望出齊郡今臨川多此姓

危德昭 唐仔昌子居家孝友事吳越掌文翰機務悉以委之累遷至丞相厚重多謀有輔弼才性

嗜酒雖沉醉無怠事易姓元氏孫元絳爲宋叅知政事

危昭德 宋邵武人寶祐初進士歷官侍御史權工部侍郎嘗爲崇政說書以易春秋大學衍義進

講反覆規正子徹咸淳進士

危翁一 宋光澤人家業貧樵靖康中聞徽欽二帝北行哭三日骨立而死寄菴季炳以詩弔之云

南鄉老人危翁一歲晏雨晴扶杖出驚聞二帝  
塵再蒙歸闔柴門哭三日眼空愁絕聲遂止里  
人唁翁翁死矣凜然生氣

申包胥萬古千秋葬忠義

睦

息爲切望  
出趙郡

睦

弘

漢魯國蕃人少好俠長乃變節以明經爲議  
郎元鳳中泰山大石自立上林苑僵柳復起

弘推春秋意以爲當有從匹夫爲天子者霍光  
惡之下獄死後宣帝興於民間徵弘子爲郎

睦

夸

南北趙郡高邑人少有大度好書傳未嘗以  
世務經心高尚不仕與崔浩爲莫逆之交浩

爲司徒奏徵爲中郎州郡逼遣入京與浩相見  
惟飲酒談敘平生不及世利浩投詔書于夸懷

夸曰何足以此勞國士也吾便將別浩以夸所  
乘騾內之廐中冀相維繫夸遂託鄉人輸租者  
謬爲御車出關後崔浩誅夸爲之素服受  
鄉人弔唁嘆曰崔公死誰能更容胙夸

岐

岐

伯

上古北地人黃帝與論  
醫有素問內經行于世

离

离

朱

周卽离婁百  
步見秋毫

斯

斯敦

三國東陽人吳赤烏間父偉為廷尉失儀當死敦叩闕泣血乞以身代吳主嘉其孝赦偉

罪仍表

其門間

彌

衛公孫彌牟以王父字為氏

彌

遜

宋徽宗時知冀州金人犯河朔諸郡皆警備遜乃捐金帛募勇士脩城堞決河護塹邀擊

其遊騎斬獲甚眾兀朮

北還戒眾毋犯其境

僖

魯僖公之後望出彭城古今表作釐同音

僖負羈

周彭城人晉重耳過曹曹君欲觀其駢脇負羈諫不聽乃私善於重耳饋盤飧寘璧焉公

子受餐反璧後文公復國果  
加兵於曹令無入負羈之里

脂

苑見姓

脂

習

漢字元升京兆人曹操殺孔融許中百官素  
與融善者無敢收恤獨習往撫而哭之曰文  
舉捨我死我當復與誰語者操  
欲治罪以習有樂布之節原之

莢

疾資切

莢

克

漢字子和靖州人建武中爲桂陽太守教  
人種桑育蠶人得其利至今江南賴遺惠

猗

音其平聲望  
出陳畱河南

猗

頓

周魯之窮士用鹽  
起家與王者埒富

眉

眉間尺

周于將莫邪子  
復父仇殺楚子

綦

官氏志綦連氏改  
爲綦氏望出河南

綦崇禮

宋字叔厚三世取進士明經科遂爲北海名  
家建炎中除翰林學士南渡詔令悉出其手

所著有文集退居台州賓客到門一介之士亦  
厚禮之故家子弟淪落者推橐金以濟其乏

夷

齊大夫夷仲年  
之後以國爲氏

夷逸

周詭諸之裔隱居不仕或勸之曰吾譬則牛也寧服軛以耕于野豈忍被繡入廟而為犧

飢

殷人七族有飢氏

飢

恬

漢滇昌大豪

糜

見姓苑

糜

信

三國平樂太守註春秋穀梁傳十二卷說要十二卷漢議二卷

五微

韋

京兆羽音顓帝大彭之後封於豕韋以國為氏

○  
韋

孟

漢彭城人爲楚元王傅元王子孫荒淫不道孟作詩諷諫後遂去位徙家於鄒自孟至賢

五世爲鄒

魯大儒

韋

賢

漢字長孺騶人質朴篤學累官大鴻臚宣帝立以與謀議賜爵關內侯位至丞相賜第一

區年七十以執政致仕自賢始封扶陽侯謚節

侯子玄成字少翁陽爲病狂讓弟嗣父爵朝

議高其節立召爲郎與五經諸儒雜論於石渠

閣元帝朝拜相封侯其父子俱以明經至相故

諺云遺子黃金滿籬不如教子一經

孫彪孝行純至好學博聞官至司空

韋

著

漢博學篤行陳蕃薦處士徐穉韋著等德行純備可登三事桓帝以安車玄纁備禮徵之

○  
韋

端

漢京兆人二子長元將次仲將孔融與端書云不意兩珠近出老蚌前日元將來淵才亮

茂雅度弘毅經世之器也近日仲將來文篤敏誠保家之子也仲將名誕以字行善大字都

官觀始就詔仲將題額奏云若用張芝筆左伯紙及臣墨又得臣手然後可以逞徑丈之勢明帝立凌雲觀誤先釘榜以籠盛仲將書扁轆轤引之去地二十五丈仲將甚危懼既下鬚髮皓然乃戒子孫絕此

楷法著之家令

韋

昭

三國雲陽人仕吳累官封高陵亭侯昭自少好學到老不倦常撰吳書華覈曰昭在吳亦

漢之史遷也

韋

忠

晉字子節平陽人少慷慨有志年十二喪父號慟服闋廬墓徵辟不就武帝朝爲郡功曹

曾山羌破郡射太守陳楚忠願代死賊義之舍去後以鎮西大將軍討叛者矢盡不屈而死

裴頠爲僕射嘗數言忠于司空張華華辟之不  
起人問其故忠曰吾茨簷賤士本無宦情且茂  
先華而不實裴頠慾而無厭棄典禮而附賊后  
若此豈大丈夫所宜行耶頠常有心托我常恐  
洪濤蕩嶽餘波見漂况  
可臨尾閭而闕沃焦哉

韋

粲

南北字長倩杜陵人少好學仗氣身長八尺  
容貌甚偉與潁川許仲容吳郡張率才名相

同竝忘年交好仕爲安遠將軍戰死於侯景之  
難簡文帝泣曰社稷所寄惟有韋公如何不幸

先死  
行陣

韋

叡

南北字懷文杜陵人事繼母以孝聞仕梁遷豫州刺史叡晝接賓客夜叅軍書每臨陣常

執竹如意以

麾號名將

韋

佑

南北京兆人質直寡言父沒事母以孝聞西魏時爲東洛州刺史與東魏戰流矢中頸從

口中出久之乃蘇後爲

驃騎大將軍進爵爲公

韋孝寬

南北名叔裕以字行杜陵人沉毅和正涉獵經史西魏時爲浙陽太守有政術移鎮玉壁

齊神武引兵來攻欲令其降孝寬報云孝寬關西男子必不肯爲降將軍也時楊侃爲大都督

出鎮潼關引孝寬爲司馬奇其才以女妻之後上策破齊進位大司空上柱國

○  
韋

曼

南北字敬遠杜陵人澹於勢利前後十見徵辟不就所居枕帶林泉娛玩琴書超然物外

周文帝高其風節勅有司日給河東酒一升賜號逍遙公曼嘗延州見弟孝寬孝寬以所乘馬及轡勒與之曼惡其華飾心弗欲之笑謂其弟曰昔人不棄遺簪墜履者惡與之同出不與之同歸也卒乘舊馬而歸

韋

鼎

南北杜陵人仕梁以平侯景功爲散騎常侍明陰陽善相見隋文帝曰公當大貴貴則天下一家及隋代周平陳帝召見鼎拜儀同三司

**韋思謙**

唐字仁約高宗擢爲監察御史曰出不能使山嶽動搖者爲不任職丈夫當敢言地須明

目張膽以報天子安能碌碌保妻子邪子承

慶武后朝代父爲天官侍郎仲子嗣立代兄

爲鳳閣舍人長安中拜鳳閣侍郎一門父子三

人爲相兄弟相繼大拜制曰芝蘭並秀見謝石

之家庭騏驥齊驅有劉山之昆季嗣立子濟

天寶中尚書左丞孫弘景長慶間名卿

**韋安石**

唐萬年人性方嚴不苟言笑武后朝官中書令數折辱二張廷臣目之曰真宰相封郇國

公諡文貞子陟字殷卿十歲授朝散大夫風

標峻整以文學著有台輔之望襲封郇國公爲

李林甫楊國忠所擠中原並起鬱鬱不得志嘆

曰吾道窮于此得非天命因構疾卒陟開元

中遷禮部侍郎常以五綵牋爲書記使侍妾主之陟惟署名自謂所書陟字有五采雲時號郇公五雲體肅宗朝與弟斌從兄由及紹同時列戟罕比陟廚中飲食香味錯雜人入其多飽飫而歸時人語曰人欲不飯筋骨舒羹緣須入郇公廚

**韋應物**

唐河南人性高潔工詩貞元中歷蘇州刺史多惠政有凝香齋館自娛日與文士宴集世號韋蘇州有

文集十卷

**韋**

**綬**

唐萬年人在翰林德宗嘗至其院韋妃從幸會綬方寢學士鄭絀欲馳告之帝不許時適大寒帝以妃蜀纈袍覆之而去弟貫之在憲宗朝爲翰林貫之子澳字子斐武宗朝擢宏

詞十年不調高元裕欲薦之諷澳謁已澳曰恐  
無呈身御史宣宗朝在翰林 澳子庠在僖宗

朝庠弟郊在明宗朝三

世五人俱爲翰林學士

韋

丹

唐字文明孝寬六世孫憲宗朝擢明經爲容  
州刺史教民耕織興學校徙江西觀察使德

被八州治行第一

子宙爲永州刺史俗不知

法多觸罪宙爲書制律并種植爲生之宜戶給

之築常平倉罷冗役及督賦吏民貧無牛者爲

置社月會錢以市牛立學官取仕宦子弟教之

宣宗朝

拜相

韋

述

唐弘機曾孫舉進士考功郎宋之間曰童子  
何業述曰性嗜書所撰唐春秋三十篇恨未

卒他惟命宋之問曰本求茂才乃得遷固遂上第遷起居舍人元宗朝任史館二十年儲書二萬卷古草隸帖祕畫古器圖譜無所不備又撰開元譜二十卷祿山亂抱國史藏南山弟五人迪道迴巡道迪學業亦亞於述述與道對爲學士與迪竝禮官縉紳榮之張說謂人曰韋家兄弟人之杞梓

韋

臯

唐字城武萬年人德宗時累官檢校司徒兼

中書令貞元初南詔爲吐蕃所苦請內附以

臯爲四川安撫使經略滇南凡十一載破吐蕃四十八萬取鐵橋十六城俘其五王南詔獻地圖土貢上製紀功碑褒賜之進封南康郡王卒贈太師謚忠武始李白爲蜀道難篇以斥嚴武

陸揚更爲蜀道易以美臯焉臯沒蜀人德之見其像必拜凡刻石著臯名皆鑱其文尊諱之張延賞之妻苗夫人選爲壻延賞不禮臯東遊改名韓翺德宗幸奉天臯以功持節西川代延賞延賞慙懼郭圍詩云堪笑當年張延賞不識韋臯是貴人

**韋正貫**

唐字公里臯姪舉賢良方正除太子校書郎歷同州刺史撤神祠會海水溢人爭咎之正

貫曰不當神意長人

任其咎俄而水去

**韋景駿**

唐爲肥鄉令漳水泛溢景駿築堤數十里功成而費約河北流移載道肥民獨不忍言去

後爲趙州長史道出肥鄉人爭進牛酒有小兒數輩在景駿問何故來對曰耆老爲我言學廬

館舍橋障皆公所治所以來也

韋

恕

唐女及笄未嫁六合縣園叟張老求婚恕難曰今日納五百緡則可許諾項之錢至既娶

負鏹穢地自著後携妻至王屋山下女謂恕曰他日相念可令大兄來訪恕令男義方訪之至一甲第見一青衣引一衣冠人卽張老相見曰賢妹梳頭引入見之經數日別奉金三十鎰一舊席帽曰他日欲錢於揚州王老家取一千萬持此爲信取之果得再往失路矣

韋

詵

唐爲潤州刺史族望清華特選參軍裴寬爲壻時寬衣碧瘳而長族人呼爲鸛雀詵曰愛

女必以爲賢公侯妻可以類求人卒妻之

韋萬石

唐善音律郊廟燕會樂曲皆萬石與太史姚元辨所增損

韋旻

宋上林人閉門力學衆以書樓目之應舉不第遂隱居羅洪洞據山林泉石之勝號白雲

先生善內養

壽百餘歲

歸

京兆徵音春秋晉有歸生婦人也子孫因以爲姓又左傳云胡子國歸姓爲楚所滅後以爲氏

歸崇敬

唐字正禮蘇州吳人治禮家學天寶中中博通墳典科對策第一授左拾遺代宗召問得

失崇敬極陳生民疲敝當以儉化天下累官翰林學士

子登字冲之事繼母篤孝舉孝廉父

策賢才貞元中爲右補闕起居舍人憲宗問政

所先登勸順納諫諍累官工部尙書封長沙縣

男 孫融字章子元和中進士爲翰林學士御史中丞觀察使盧周仁取羨餘錢億萬以進融劾表周仁徇私市恩請重責還所進貸貧祖累官兵部尙書封晉陵公 曾孫藹字文彥擢進士備歷三署同光初爲尙書丞遷侍郎以太子賓客致仕

尚友錄卷一

終

尚方金

